



Meghalaya Society for Social
Audit & Transparency
(MSSAT)

Garo language

**FREQUENTLY ASKED QUESTIONS ON
IMPLEMENTATION OF MGNREGA**

**MAHATMA GANDHI NATIONAL RURAL EMPLOYMENT
GAURANTY ACT**

MAHATMA GANDHI NATIONAL RURAL EMPLOYMENT GUARANTEE ACT

SINGRONGGIPA SINGANIRANG

NOKDANGRANGK OBIMUNG SEGATANI BIDINGO

1. MGNREG skim- o sawarang bimung segatne man.a?
 - Songadam o dongipa nokdangrangoni jeba dalgimin (bils 18 gangimin) manda jean ramram bilni-jakni kamkoka.na sika, indakgipa mande MGNREG skim- ai ning bimung segatna man.a
2. Antangni dongchakenggipa songona agreba gipin biaprangoba dalgimin made kamni Cardna dorkasto on.namangenma?
 - Manjawa.
3. Sani jako bimung segatani dorkasto ko on.na namga?
 - Bimung segatani dorkasto.ko songtangni Village Employment Council (VEC) ai Secretary-ni jako on.na nanga.
4. Bimung segatani dorkasto ko.on.nani jamano mai ong.gen?
 - Bimung segatani dorkasto ko.onnani jamano Village Employment Council (VEC) .ai secretary dorkasto ko Program Offiser- ona watatgen aro dorkasto-o pangchake sandianiko dake kakket onga ine Nikon kam-ni cardko sal 15 ani gisepon dorkastoko galgipani on.gen.
5. MGNREG Skim ni Program Officer (PO) ra sawa?
 - Block Development Officer ba BDO-ko MGNREG - Skim ni Program Officer ineba agana.
6. Kam-ni Card ko manani jamano maiko dakna nanggen?
 - Kam-ni Card ko mangipa nokdangrang MGNREG Skim ni ning kamko kana dorkasto VEC secretary-n on.na nanggen.
7. MGNREG Skim o kamko ka.na kam-ni Card dongtelna nangama?
 - On kam-ni Card-ara bimung segatgimin nokdangrangna MGNREG Skim-ni ning bils 5-na kamrangko dabie kamkae chachina sorkarini ongimin ieka onga. Kam-ni card-o nokdangni manderang jerangan MGNREG Skim-ni ning kamko kae cha.na bimungko segatahachim uamangni Photo aro Bimungrang dongchongmotna nanga. Kam-ni card-o tapgipa photo aro Kam-ni card-ko tarina tangka gamna nangja.
8. Kam-ni Card-kora nokdangni sakprakprak manderangnan kingprakprak on.ama?
 - Ong.ja, nokdang go.sana Kam-ni Card kingsakosan on.na manaia aro ua card-on pangchake nokdangsani manderang sal 100 na kamko suale ka.na nanggen.
9. MGNREG Skim-o bils 18-na komigipa manderang kamko ka.e chana man.genme?

- Manjawa, ian MGNREGA-ain ba niam ko peano ong.a.
10. Kam-ni cardko sani jako donna nanga?
- Kamni Card ba job cardko pangnan card-ni nokgipa baksia donna nanga.
11. Kam-ni Cardko kimaatgenchimoba MGNREG Skim-o kamkae chana mankugenma?
- Oe, kam ko kakuna man.gen, indiba kam-ni card gimaani koborko VRC Secretary-na kingipin cardko tarie onchina janapna nanggen.
12. Kam-ni Cardko palna ba rasrona on.na mangenma?
- Man.ja.
13. Kam-ni Caed dongijagipa mandena antangni cardko rasrona on.genchimode mai ong.gen?
- Je mandean bimungtangko segatja uandakgipa mandede kamko ka.na aro tangkako man.na kraja. Badiha mande antang Kamni card ko gipina jakalna on.genchimode kamkagipa mande kamko aro kamni hajirako kam-ni card-ni nokgipani bimungo man.gen jean niamko peani ong.a.

KAMNA DORKASTO ON.NANI

1. Dabiano pangchake kamko on.nani maniara maiko miksonga?
 - Dabianio panchaka inon, manderang kamko amna re.bana nanggen. MGNREG Skim-o manderangni kamko dabianian skim ko chusokatani jating ong.a.
2. MGNREG Skim-o kam ka.na maidake dorkastoko galna nanga?
 - Kam-ni card-o bimung dongipa mande VEC ba Programme Officer-na badita salna aro basakoni kamko nangengachim uko janape seachi uiate kamna dabianiko dakna man.na. Indake dakon dabiani dorkastoko man.soani tarikko mesokgipa leka bichitko VEC ba Programme Officerni jakoniko ra.bana nanga.
3. Kamna dorkasto on.nani jamano basako kamko mangen?
 - Dorkastoko on.nani sal 15-ni gisepo ha na.a saloni kamko ka.na dabiachim na saloni kamko man.gen.
4. Kamko dabigipana kamko on.na manjagenchimode mai ong.gen?
 - Salchibongani gisepo kamko onjagenchimode kamko dabigipa KAM MANGIJANI TANGKAKO man.gen.
5. KAM MAN.GIJANI TANGKA -ra mai?
 - Kam man.gijani tangka ian kamko dabigipa mande sal 15 ni gisepo ba je tarikoni kamko dabiachim ua tarikoni kamko on.na man.gipanipal man.skagipa tangka ong.a.
 - Ia KAM MAN.GIJANI TANGKA-ko niam indake ong.a. Kamna dorkasto on.nani jamano sal 30 ona kingking on.na manjagenchimode salprakni hajirani bak bri nibak sa (1/4) ko man.gen sal 30 ni jamanoba kamko on.na manjaode dorkasto on-gipa mande salprakni bajirani adha (1/2) ko manskagen.

6. Kamko Dabigipa mande kamko ka.na rebajagenchimode mai ong.skagen?
 - Kamko dabigipa mande kamko on.nani jamano sal 15-ani gisepo kamona rebagenchimode Kam man.gipani Tangkako man.jawa.
7. Changgipino kamona re.bagijagipamande kamko dabitaini man.denma?
 - Oe, man.aigen.
8. Nokdangoni saksanti mandeba kamko dabina mangenma?
 - Oe, nokdangna changimmin sal 100 gapkujana kinking nokdangoni jeba bils chuonggimin kamko bie ka.na man.gen.

KAMKA.GIPARANGNI MAN.GNI ARO ON.GIMIN BIL.

1. Nokdang.ge.sa bilsio bidita sal kamko man. Na nanga?
 - Nokdang ge.sa bilsio sal 100 kamko man.na nanga.
2. Kam ka.ram biapo kam kagiparangna maidakgipa dakchakanirangko man.na nanga?
 - Kam Ka.ram biapo:
 - Ringani chi.
 - Bisarangko nirikram hiap.
 - Nengtakna salakkim/noking.
 - Nengtakani somoi.
 - Mata-ba.aní somoio sanna-banani hosturang/samrang dongna nanga.
3. Bano kamko on.na nanga?
 - Kam am.gipana kam on.non, kam am.gipani dongram songoni Km 5 Chelani gisepon on.na nanga.
4. Km 5na bate chelan kamko on.genchimode mai ong.gen?
 - Km 5na bate chelan kamko on.genchimode kamkagipa mandena uni re.a-doani koros gita uni man.gni hajira baksana chugimik hajirani 10%ko bate man.dapani ong.a.
5. Kam kagiparangna maia daksoani/ tarisamsoanirang dongo?
 - Malta-buani somoio: Kam ka mitting sawaba kamka.gipa mata-buako man.ne samna-bananiko dakna nangenchimode; ua mande kam ka.ram biapon indin sanna-bannaniko man.gen.
 - Mata-bua mangipa mandeko Sunram (Hospital) ra.angna nangni somoio: Sawaba kam ka.gipa mande kam kka,engmiting somoio mata-buako man.e sanram biapona ra.anganiko man.na nangenchimode, mata buako man.gipa mande sanram biapo indin sanna-bannaniko ra.na un baksana sanna man.enggipa mande salprako uni bajirani ko man.ani ong.a.
 - Janggiko gimaatani ba pangna joima be.eno bilgriataniko mangenchimode: Kam kamiting somoio maibakai kamkagiparangoni sawaba janggitangko gimaatana ba pangna joina be.eno bilgriataniko mangenchimode Adok Sorkarioniko tangka gong

25,000/- ba jekon India a.songni Ma.mong Sorkari tik ka.e donmanaha, ua tangkako sigipani ba asel nangipani nokdangni manderangna ka.sae on.naniko dakgen

6. Komibeoba Salsani hajira haditako man.nani ong.a?

- Kombeoba salsani hsjirs Adok Sorkarini Labour Department ni gee-game chagiparangnatik kagimin hajira ba Ma.mong Sorkarini NREGA na tik ka.gimin hajirako man.na nanga. Bilsi 2013-14 na India Asongni Sorkarini dongimin gita, komibegipa salsani hajira Tngka Gong 163 (Gong Ritchasa sotdok gitami) ong.a.

7. Basako hajirako man.nani onga?

- Hajirako anti prakon man.nani onga, batheoba kamko matchotani tarikoni anti 2ni gisepon hajirako gamani ong.a.

8. kam kagiparangna Hajirako gamanio ruutataniko mangenchimode mai ong.gen?

- Kamkagiparangna hajirako gamanio ruutalaniko man.genchimode MGNREGA ain.no pangchake komibeoba tangka gong 1,500 aro bathbegipa tangka gong 3,000 ko kam kagipa mandena hajira gamningna man.gijapa gamskaani ko dakani ong.a, je tangkarangko Adok Sorkarini gamani gaaka.

PROJEK TARISAMSOANI ARO CHUSOKATANI

1. Sana projek rangko basena bilko on.naha?

- MHNREGA Ain-ni baks 16 gipan pangchake VEC/AEC ranga projekrangko basena aro tarina bilko on.manaha. Pilak VEC/AEC-rangan kam ka.e cha.gipa nokdongrang baksu ku.mongrike bilsigimiko mai mai kamrangko songko-noko sildapatna kamrangkoka.anggen ua kamrangkosee rakigen aro VEC-ni gita badia kamrangko mongsonggipa done kamkanggen uko rachakani lekarang baksu Block-onu Programme Officer-onu watatna nanggen.

2. Mai dakgipa kamrangko MGNREG Skimo kana on.na?

- Je kamrangan songo-noko pangkamgipa jakaltogipa gamko ong.katatgen aro jekamrangan janggi tangani cholrangko namdatpataniona rabagen; indakgipa kamrangko MGNREGS-o kam kana on.na. MAina MGNREGS ni miksonganian pangkamgipa jakaitogipa gamko ong.katatani aro hajira kae chagipa manderangna kamko on.nanian ong.a.

3. MGNREG Skim-ni ningi maiba dakna mantelgijagipa champengani niamrang gnangma?

- Oe, MGNREG Skim-ni ningi adita dakna mantelgijagipa champengani niamrang gnang jekon mamung dingtangtani gri jarikna nangchongmota jerangan:

Skanggipa niam: Mesin (machine) ba waalchi chalaigipa kol rangko jakalna mangijani.

Gnigipa niam: Contractor-chi kamkaatna mangjani.

Gittangipa niam: Hajira aro bosturangko ra.ani korosni gisepo bak 60:40 ko rakiani, projek na bostu ra.ani koros chugimik projek ni korosni bak 4ona mamung saloba badena nangja.

Brigipa niam: Mea aro mechikplakan apsan hajirako man.na nanga.

4. Mai mai kamrangko MGNREG Skim-o kana man.a?

➤ MGNREG skim-ni ningko ka.na man.gipa kamrangko sulsul dakna nangchongmotanio pangchake mesokatenga.

- i. Nalarangko kite, ariking rango a.a gatdoanirangko dake, ro.ongrangchi ba amangrangchi chijokrongrongoe katamiko kachange rarikani ban- dongrangko tarie chiko chimongani aro ripinge takiani kamrang.
- ii. Bogrigipa blaprangko bolgrimatpilani aro bolrangko gee agisi ong aoniko champengani kamrang.
- iii. Dongge Kitani.
- iv. Kangal cholgri (BPL), IAY aro ST/SC ni dolod gaak gipa nokdangrangni bagan barirango chi sale bolam biterangko ge.e onani aro apalrangko pe.e onani kamrang.
- v. Pokri ba chikong/chiskol gitchamrangko taridapani kamrang.
- vi. Apal peani adapani kamrang.
- vii. Chi- banna re-aniko champengani kamrang jedake, chi shongipa biaprange nalarangko kitani, chi dalmitting somoio wate galgipa nalarangko tudapatani aro namdapatanai kamrang.
- viii. Songo nokona wachi-arak sokgipa ramatangko culvert rang gnang choani aro songsaoni songsanna rama choani kamrang.
- ix. Bahrat Nirman Rajiv Gandhi Sewa Kendra (BNRGSK) nok rangko Block-o aro AEC-o rikani kam.
- x. Gea- gamanio nangchapgipa kamrang je dake, NADEP asalko tariani, kanchuri asalko tariani aro jingjonggipa asalko tariani.
- xi. Jila-kaanio nangchapgipa kamrang, jedake, Donol rikani, doboknol rikani, nolni a.pako pakka dakani, su.bu rakani ttngki, matchu matte, na alchakani chikong rikani aro azzola ko mathurunrangna alna rakiani kamrang.
- xii. Natok jilanio nangchapgipa kamrang, je dake, jinmani jakalnamangipa chirango natokrangko jilani.
- xiii. Sagal rikam jolo dongiparangni kamrang, je dake, ranatram biap,champenggipa bol bipangrangko gechanggani.
- xiv. Songadam- nokadamo ringani chiko man.na kamka.anirang, je dake, a.ako chijimmatna akol kitani.
- xv. Songadam-nokadamko rongtal an.rale rakiani kamrang, je dake, notangtango paikana rikani, skul aro Anganwadi center rango paikanko rikani aro jeng-jabolrangko galchakani biaprangko tartan kamrnng.
- xvi. Gipin kamrang jekon Ma.mong Sorkari Adok Sorkari baksa ku.monggriko je.manu parakatnaba donga.

(Je je kamrangko kosako nombor (iv) (x) (xi) (xiii) (xiv) aro (xv)-o janapahachim ia kamrangko SC/ST/BPL/IAY-ni nangni ko mangipa/kanalgipa game cha.gipa aro Burung Bolgrimrango Chengoni Songdong Achae jangitanggipa dolrangni a.arango aro bagan barirango kam ka.na man.gen

5. Bilsisani gisepon gegittam ba una bateba projek rangko songsano ra.na mangenma?

- Oe, man.naigen, indiba ia projek rangko chosokatna songo choonggagita kamko dabigiparang dongna nanggen aro man.a dipetde gesaprojek-ko matchote ka.ani jamanosa minggipin projekko ka.ode nama.
6. Basakobodo songo- nook projek-ni kamko kana biaprang songja undakgipa somoio saniba baganbarirango ia kamko ka.na man.genma?
- On indiba jeni bagano kamko kaenga un mande SC/ST doloni/BPL/IAY-ni nangniko mangipa ong na nanggen.
7. Chiloram ba jakairam biap jean songoni chelan dongo uan dakgipa biaprangonaba ramarangko bakna man.genma?
- Oe, ra,alo nakna man.gem indiba gipin songni apsan biapona rama bakarang dongna nangja, maibakai apsan kamkon ka.nananggenchimode Programme Officer baksa agangrike tale rachengna nanggen.

DOLRANGKO ROSAIANI

1. Meghalaya A.doko MGNREG Skim ko chusokatne maidakgipa dolrangko donaba?
 - Meghalaya adoko panchayatni niamko jarik jani a.selo dingtangmancha ia MGNREGS ko chailainagita gadang 4 dake dolko bikote donaha.
 - i. VEC ba Village Employment Council je dolkom songantion bikota.
 - ii. AEC ba Area Employment Council je dolkom tomdagimin adita songrang (Km 2.5 ni ningdongipa songrang) nangdime bikotskaa.
 - iii. BEC ba Block Employment Council jekon Block ni gadango kulia.
 - iv. District Employment Council ba DEC jean District ni gadango kaligipa dolongskaa.
2. Sawarang Village Employment Council (VEC) ni menerang ong.na kra.a?
 - Nokdangni magipa aro pagipa sakantian Village Employment Council ni member ong.na kra.a
3. Jensalo Village Employment Councilko songo bikotahaon maiko dakna nanggen?
 - Jensalo songo Village Employment Council (VEC) ko bikotahaom VECni kamrangko chalaina gita gita dilgiparangko Chongmotan Programme Executive/implementation Committee (PEIC) ko seokna nanggen.
4. Ia Proreamme Executive/Implementation Committee-ora badita sak digiparang dongna nanga aro sawarang (maimai post)?
 - Ia Proreamme Executive/Implementation Committee (PEIC) sak 5 (bonga) memborang dongna nanga jeon Padot (President/Chairman) aro jakrikra (Secretary) ko jinma namnike basena nanggen aro un baksana sak 3 gipin memborangko basena nanggen jeoni sakade MECHIK ong na nanggen.
5. Ia Cillage Employment Counci; (VEC) - ni meeting ba tomanirangkora sani jakchi ka dilgen?
 - VEC-ni tomanirangko Programme Executive/ Implementation Committee Chairman, ba Secretary, ba ong.jade Songni Nokma ni jakchi tomdilgen.

6. Ia PEIC aro AEC ni dilgiparangarang badita bilsina kamo dongna man.a?
 - Aro AEC ni dilgiparangarang **bilsi 3Gittim**) na san kamo dongna nan.a.
7. Village Employment Council - ni Dakna nangipa kamrangara mairang?
 - a. VEC-an songo MGNREG Skimko mongsong chalaigipa ong.a Projekrangko tariani aro uarangko kusokatani Chugimik VEC-ni jakon onga.
 - b. MGNREGS ko songo chalaiani (tangka palsarangko rabae kamko chusukatani).
 - c. Projekrangko taridilani aro maidakgipa projekrangko songna nanga basedilani.
 - d. Dingtang dingtang committee rangko kulidilani, jekai, Social Audit ka na Social Audit Committee (SAC), songa nook kamka.ako nirokna Village Monitoring Committee (VMC) aro bosturangko bree rabana Purchase Committee.
 - e. MGNREGS ni see rakiani bohi/kitap ranga see rakina.
 - f. Kamrangko kam kagiparangna suale aro mesoke on.na
 - g. MGNREGS baksa nangchapgipa jekarangko aro uiatanirangko parak ong.e rakina nanganikri agantale on.na.
 - h. Songni manderangko Public Hearing/ Social Audit Forum-ona rimbana.
 - i. Kam karam biapo kamkagiparangni man.gni rangko man.ne on.ani.
 - j. Jinn==mmana parakatani pakmako chalaiani jeon sorkarini rachakgimin kamrang arokam ka.giparangni bimungrangko see rakigen.
8. Area Employment Council (AEC)c-ara maia?
 - Area employment Counci l (AEC)-ara Km 2.5 wilwilao dongipa songrangni VEC -ni nangdime bikotgimin do long.a Panchayat jekamrangko gipin adokrango kamka.a apsan kamkon AEC-ba Meghalaya a.doko ka.a lani memborang VEC-o baseamangipa PEIC-ni Chairman Secretary aro Mechik memberang ong.a
9. AEC-ni kamkarangara mairang?
 - a. Area Employment Council (AEC)-an Social Audit ba jinmachi Kamrangko nipitaianiko dakna nambatgipa do long.a uanigimin AEC-rang SAK 3-4 manderangko ra.e Social Aidt Committeeko bosaie antangtangni ninga dongipa VEC-rango kagimin kamrangko audit Ka.anirangko somoi somoi-o dakna aro Programme Officerni ba District Progrmme Coordinatorrangni geetanigita auditiko ong.atonian AEC-ni mingsa kam ong.a.
 - b. Kamni Cardna dorkasto on.giparangko rachakna aro uko on.na.
 - c. Nokdangrangni Kamni Card-o tangka gamani somoi-o Gram Sevak aro Community Coordinatorrang baksa see rakianianirangko dakna.
 - d. Projek rangko seokna aro uarangko nanganikri sulsul dona man.nagita songrango VEC- ni meeting rangko ong.atna aro Social Auditni knaapilani tomanirangko ong.atna man.anini kam ka.ani ong.a
 - e. VEC-rangni tarigimin projekrangko Programme Officerona watdoatani kamba AEC-ni kam ong.a.
 - f. Kamna dorkasto ongiparangko ra.chakna aro uarangko kamna dorkasto ongiparangni bohio see rakiani kam ong.a.
10. Block Employment Council-ara mai?

- Block Employment Councilian Block Selection Committeena ongimin bimung ong.a aro ia dolna Block Panchayat je bilko gipin adokrangko man.a apsan dakgipa bilko ia dolba man.a.
11. Block Employment Council (BEC)- ni kamrangara mairang?
- a. Blockgimikni tarigimin projekrangko rachaksoe badia projekrangko chusokatonanggen namjagen vase District-on a watatskaanian BECni kamrangoni mingsa ong.a.
 - b. Bak 100 oni bak 25 block-na pakwatgimin kamrangko basena aro VEC-rang baksa melie uko chusaokataniba mingsa BEC-ni kam omg.a.
 - c. State Council-in aro District Employment Council-in on.gimin Kamrangko ka.anian BEC-ni kam ong.a
12. District Employment council (DEC)-ara maia?
- District Employment Council ba DEC ian District-in gadango MGNREGS ni kamko chalaina aro chusokatanina tarisoanirangko dakna bosaigimin dol ong.a. DRDA ba District Rural Development Agency-ko chalaina seokegimin dilgiparangan DEC-ni digiparangba ong.a
13. DEC-in kamrangara mairang?
- a. District Employment Guarantee Scheme plan ko namnike rachakani.
 - b. Gipin Line department rangni projek tarihimirangko namnike rachakani.
 - c. District-o kam ka.anirangko nirokna aro kamrangni chuchusoka ba chusokja uarangko sandipiltaie nianirang
 - d. Projekni kamrangko District-o aro block-o chusokataniko nirikani.
 - e. State Council-ni on.gimin kamrangko chusokatanirangan DEC-in kamrang ong.a.
14. Meghalaya State Employment Guarantee council-ra maia aro sawarang ia dolko calaia?
- Meghalaya State Employment guarantee council (MSEGC) ian MGNREG skim ko adoko chusokatanio agankupatie on.gipa do long.chin bosaigimin do long.a.

MEGHALAYA STATE EMPLOYMENT GUARANTEE COUNCIL-IN BIMANG

(COMPOSITION)

CHAIRMAN

(Chief Minister)


VICE CHAIRMAN

(Minister Community and Rural Development)

MEMBER SECRETARY

(Commissioner & Secretary,C&RD)

MEMBERS



OFFICIAL MEMBERS**NON OFFICIAL****MEMBERS**

Chief Secretary	3 Chairperson from VEC
Ministers of Forest, Agriculture, social Welfare, Finance	3 chairpersons from AEC
Chief Executive Members of District Council	3 chairpersons from BEC
Principal Secretary of C&RD, Finance Agriculture	2 from DEC
Soil conversation, Social Welfare, Forest.	3 social Activists from district
Director C&RD	

15. Badita changrang MESGC-in meeting ong.na nanga?

- MSEGC-ni meeting nangchongmotanikri ong.aia indiba jadokprak-o changsa de mitingko ong.atani ong.a.

16. MSEGC-ni Skotong office-ara bano?

- MSEGC-ni skotong office Shillong-o nga.a.

17. MSEGC-ni meeting ona non official memberrang bak ra.na rebaon uamangna re.adoani koros rangko on.nama?

- Oe,non official memberrang adok sorkarini officerangni mangipa readoani koroskon man.a ama.

18. Mai miksongganio State employment Gaurantee Fund (SEGF) ko bosaia?

- Districtrango MGNRGES-ko chalaimitingo tnagka paisana nengnikani somoirango tangka paisarangko nanganikri on.sroe dakcakna miksonge SEGF-ko bosaiaha, jekon State Rural Employment Society (SRES) chalaienga.

19. Rural Employment Society mai kamrangko kaenga?

- Meghalaya aduko MGNREGS-ko chalalaniko nirok-sandidilna miksonge Rural Employment Society (SRES) ko 2011 bilso abachenggataha. SRES tangka paisarangko chalaian baksana skimni ningkagimin kamrangkoba niro kaniko aro sandipilanirangko dakeng, aro VEC/AEC-ni dilgiparangnaba skie on.nanirangkoba dakenga.

20. Rural Employment Society-ni office nokara bano?

- Uan Dhankheti, Shillong, BAwri Mansion- Sepango, Monfort Buildingni paksao.

CONVERGENCE

1. Convergence maiko minga?
Ramramdake agangenchimode dingtang dingtang doirang nangrime mingsa kamko chusokatna kam ka.ani ine agana mangen.
2. MGNREGS-ni projekrangko gipin skimrang baksa nangrime kam ka.na mangenma?
 - Oe, man.gen indiba ia nangrime kam ka.ani jakaltogipa gamko ong.katatna aro MGNREGA-ni ka.an on.gipa kamrangoni mingsa ong.na nanggen; unbaksana MGNREGA-ni nangnikanigita hajirako ong.katatgipa ong.na nanggen aro contractorrangchi kamko ka.atna manjawa.

PARAK ONG.ANI ARO AGANCHAKGIPA ONG.ANI

1. Social Audit (Songsalnigita Sandie Niani) aro Social Audit Forum/ Public Hearing (Jimmana Parakani) ine aganon maiko miksonga? Social Audit mung Public Hearing ara Apsan ong.aiama?
 - Social Audit ba Songsalnigita Sandieniani ine agangenchimode ian hajira ka.e chagipamanderangni antangtangni ka.engka kamko nirok sandiani ong.a jekon pangna jlnadakna nanga indiba Social Audit Forum/ Public Hearing ine aganon hajira ka.gipa jinmana Social Audit-o sandie man.giminrangko jinmana parakatna tomdakatani ine agana mangen jekon giseposan ong.atronga. Public Hearing ian Social Auditka.anio gesa bak ong.a
2. Sawarang Social Audit Committe.ko bikotgen aro iano badita sak manderang dongna nanggen?
 - AEC-ni memberrang antangtangni ninggo donggipa songrango ka.gimmin kamrangni chusokaniko somoi somoi-o aro programme Officer aro District Programme coordinator-ni geetanigita sandipile nianiko dakna aro sandie man.giminrangko Programme Officerna see on.na man.agita Social Audit Committee-ko bikotdilgen
 - Sandie nianirango name dekna man.nagita sa3-4 memberang iano dongna nanga.
3. Maikai kam ka.giparang manderang antangtangni kam ka.anirangko nipiltaie nigen? Maina social Auditko dakna nanga?
 - Social auditko dakani miksonganide MGNREGA niam-o kam ka.giparangna on.gimin uamangni mangni aro bilrangko jakalna manengama man jaenga ba kamko kaanirango maiba komiani ba kam ka.sretanirang dongma dongja uko ma.sina aro je miksonganio ia skim-ko je miksonga manderangna dakahachim uni namgnirang ua manderangona sokangama sokangjaenga uko ma.sina sandie niani ong.a uni gimin kam kagipa manderang antangtangni kamka anirangko baditana kingking chusoke kaenga uko sandie nina kra.a aro namdapatanirang donggenchimode ukoba jinmaona rabana amma.
4. Social Audit kamiting somoi-o maiba chuongnikgijani kattarang donggenchimode uarangko maikai VEC/AEC-ni dilgiparangko knachakatna man.gen?
 - Social Audit-ni somoio maiba kam ka.anirango chuangnikgijanirangko janapaon ba sandie Nikon social audit committe-ni manderang uarangko see rakia aro uni reportko Programme Officer-na pakwata jekon Public Hearring ong.atani salo

jinmana poraie kna.ata, ia sandie mangiminrango pangchake dongimin salni gisepo kamka.china dingtang dingtang MGNREGS-o kamkagiparangna pakwatata jekon ia manderang ka.chongmotna nanggen.

5. Bilsio badita chang Social Auditko dakna nanga?

- VEC Geprako jadok(6) prako changsa audit kana nanga.

6. Maikai pilak MGNREGS-o kamkagipa manderangko (VEC ni dilgiparang block ni officerrang) uamangni kamna aganchakgipa ong.atna man gen?

- Pilak MGNREGS-o kam ka.giparang pangnan uamangni kamna aganchakgipa (accountable) ong.na nanga. Chotchanggijagipa nirok- sandiani nipiltaiani rangko gipin dolrangchi dakanichi, songantio VMC rangko bosaiachi aro niamko peon dai ko tangka gong 1000-on a kingking gamana nanganichi aro skim-ko chusokatengon kamka.giparangni chuongnikgijani ba kusiong.gijanirangko janapon uko namatna kamko kaachi.

7. Songantio VMC ba vigilance and monitoring committee-ko sawarang bosaina nangchongmotama? Mainigimin?

- Oe, VMC ko bosoi chongmotna nanga, maina VMC-chin;

Dakarikamko name nirokani aro committeeko medilani ba dakdilani.

- Kambagipa biaprangko mteniani aro kamkagipa manderangming agangrikani.
- Kakkitonga ine mesoke serakiani ba kakkitonge recordkani
- Busrirangko aro komosh ongimin damrangko gamchatni donani ba rakiani.
- Kam ka.a matchotani jamano, kamka.ani gamchatani gimin ba uamangni daka mikarangni gimin report ko onani.

8. Sawarng VCM-ni memberrang ong.na kra.a aro badita sak memberrang dongna nanga?

- Vigilance aro monitoring committe'o komibeoba member sak chikung (10) donggen. Uanoni atha member de mechik ongna nanggen jean schedule tribe ST ba schedule caste SC dolrangoni onggen. Vigilance aro monitoring committe ni member rangko teacher ba anganwadio kamkagiparang ba self help group, social audit group ba dingtang dingtang jatni gisepo kamkagipa dolrang ba chadambe youth clubni dolrangoniko seokgen.
- Ia VMC team ba dolko seokgen ba puone seo. ke donna gram sabha bil donga. Ia seokgimin team ara ja dok na bate indiba bilsa sana bate dongna manjawa.

BANKGITA HAJIRA GAMANI, SMART CARD, CSP ARO EBT

1. MGNREGS-o Bangking business correspondent-ara maia?

- Banking Correspondent ian Bank aro manderangni gisepo kamka.na bank-ni rakigipa dol ong.a jean bankni palo songo-nokona re.ange hajirako MGNREGS-o kamka.giparangna gameaniko dakgen. Banking correspondent Model ian bangkgrigipa songrangona bankni manderngna kamka.ani ko sokatna aro

manderangko bankrangko jakale tangka paisarangko chimonganirangko bariatna miksonge ja.kude.ani ong.a

2. Banking correspondent (BC)-ni kamrangara mai?

- Mongsongipa BC-ni dakna nangnidekankagiparangni hajirako somoigita kamka.giparangona sokangatanin ong.a.
- Block-o AEC, VEC- rangni banga bangja, chela-chelgijarango pangchake CSP (Customer Service Point) ba tangka gamram biaprangko rakiani ong.a.
- MGNREGS-o kam ka.giparangni bimungko bangkna segate on.ani.
- Bio Metrix Smart Card rangko on.na aro uarangko jakale hajirako gamna.

3. Ia BCmodelko jarike mai nangniko man.gen?

- Ia BC model ko jarikde MGNREGS –ni niamo dongimin somoigita hajira gamanangani nianko rakinaman.a.
- Kakketket hajira kagipa manderang antangtangni mangni hajirako man.a gipinrang Katie rarikna man.ja. Tangka paisarangko jakalsreta- oniko komiata.
- Tangko paisarangko banko chimongna chol ong.a maina jako hajirako manode korbs katoke galaia indiba BC modelode antangni namnikagita adha hajirako banko done adhako jakalna okna mana.
- Bankona re.ange bongnigipa koros aro gamchatgipa somoirangko naljokata, jekon nangipa kamrangna jakalna man.ska.a.

4. Electronic Benefit Transfer (EBT) –ara maia?

- Ian mingsa tangka okani chol ong.a jegitan MGNREGS-o kamkagiparang antantangni hajirako daka uamangna BC-ni on.gimia BIO metric Smart card ko jalale o.kna man.gen, ia EBT-o kamkagiparangni hajirako uamangni bank account-on bijolini bilchi watataniko daka jedakode kamkagiparang BC-rangni rakkigipa CSP (Customer Service Provider) re.ange smart card rangko jakale hajirako okna man.gen.

5. In Bio Metric Smat Card- ara maiasa?

Ian MGNREGS-o kamka.giparangni hajira okna jakalgipa card ong.a ATM card gita apsan apsan daka indiba PIN nombor-ni ppalo cardni nokgipani jaksiko tangka okani nesin-o sikdepe okna jakalska.a ia smart-ko bimungrangko see ra.angnaijamano aro cardrangko tarimano BC-oniko man-gen.

6. Sawarang ia smart cardko man.na doskastoko galna nanga?

- Je mandean MGNREGS-o hajira aro jean kamni card donga.

7. I a Card-ko man.na gita tangko gamna nangma?

- Nangja, iana nangipa photo aro jaksini noksarangko BC-ni manderang (CSP-rang) bimung segatani somoion ra.anggen.

8. ia CSP-rangara sawarang?

- CSP-rangara songtangni ba ongjaode sambajolo donggipa songoni manderangan ong.a jemangkon Banking Correspondent (BC) rang antangtangba kamka.e on.china rakiaha, jedakode hajira kagipa manderang nangan somoio iamangni dakchakaniko man.gen.

9. Smart Card-o bimung ba photo on.giparang nokgipani bimung aro photomung melijaode mai dakna nanggen?

- Bimung aro photo melijaode BC/CSP – rangona reange uko ka.e on.china uiatna nanggen, jedakode uko namatna mnjen, iako dakna tangka nangjawan.

10. Smart card gimana ba nosto ong.genchimode maidakna nangen?

- Smart card gimana ba nosto ong.genchimode uko CSP-na kobor on.na nanggen jedakode gital card ko tarie on.na man.gen, iana BC-ni dongimin niamita tangkako nokgipa gamna nanggen.

11. Smart cardni gipin cardrrangoni dingtanganira mai?

- Smart cardko jakale smart cardni nokgipasan tangkako okna man.aingen.
- Smart cardko chougenchimoba ba gimaako man.genchimoba gipinrang jakalsretna man.jawa.
- Cardko jakale antangni nangnikagita hajirako oke jakalna ba chimonge donnaba man.a.

12. Tangka okani somoia anga badita tangkako okaha uni hisabko maidaka uigen?

- Tangka okani somoia tangka okaha ine mesoknakinggni leka bichitran tangkaokani mesinoni ong.katngen jeon badita gong tangkako uko see mesokgen.

13. Ia BC model gita tangkagri banko account kulina mangenma?

- Oe, man.gen.

OFFICE ADDRESS: Additional Secretariat, Room No 316, Shillong-793001, Meghalaya
□ 0364 – 2223949

Email: mssatmeg@gmail.com